



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-11-4-5100

Dana: 27.03.2024. godine

Na osnovu čl. 100 i 110. Zakona o javnim nabavkama („Službeni glasnik BiH”, br. 39/14 i 59/22) i člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo”, br. 1/16, 26/19, 31/19, 59/22) u postupku javne nabavke „Nabavka višenamjenskog helikoptera sa pratećom opremom“, ministar unutrašnjih poslova Kantona Sarajevo, **d o n o s i**

ZAKLJUČAK

o odbacivanju žalbe zbog nedostatka aktivne legitimacije

I

Odbacuje se žalba ponuđača „Leonardo“ S.p.a. Rim, Republika Italija, izjavljena dana 22.03.2024.godine, zastupanog po Vladimiru Miloševiću, advokatu iz Zvornika, Bosna i Hercegovina, zbog nedostatka aktivne legitimacije.

Obrazloženje

Dana 26.03.2024. godine zaprimljena je žalba ponuđača „Leonardo“ S.p.a. Rim, Republika Italija, zastupanog po Vladimiru Miloševiću, advokatu iz Zvornika, na odluku o dodjeli ugovora broj: 05-1-30-1-3436-15, od 12.03.2024. godine., pa je žalba ponuđača blagovremena i izjavljena od ovlaštenog lica.

Ponuđač „Leonardo“ S.p.a. Italija, prethodno je uložio žalbu na Odluku o izboru ponuđača i nabavci helikoptera za potrebe Ministarstva unutrašnjih poslova Kantona Sarajevo, broj: 05-1-30-1-3436-13, od 30.11.2023. godine, gdje je osporavao svoju nekvalifikovanost u predmetnom postupku.

Rješenjem Ureda za razmatranje žalbi broj: JN-2-01-07-1-3793-7/23, od 15.02.2024. godine utvrđena je nekvalifikovanost ponuđača „Leonardo“, S.p.a., pa je navedeno, kako slijedi:

„ Zaključujući sve prednje izneseno, potrebno je naglasiti da je žalitelj prilikom pripreme ponude napravio niz propusta zbog kojih je ugovorni organ pravilno postupio kada je istu ocijenio neprihvatljivom. Članom 68. stav 3 Zakona o javnim nabavkama propisano je da „Ugovorni organ može pozvati kandidate/ponuđače da u roku od tri dana pojasne dokumente koje su dostavili u skladu sa čl. 45.do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta“. Žalitelj pogrešno upućuje na odredbu navedenog člana iz razloga što se u ponudi istog radi o propustima takve prirode (a koje je ovaj organ prethodno obrazložio), koji se ne mogu podvesti pod



Adresa: Sarajevo, La Benevolencije 16
Tel: + 387 (0)33 286-701, 286-702,
Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

predmetnu odredbu, a sve iz razloga jer činjenica da ponuda nije čvrsto uvezana je vidljiva kako za ugovorni organ, tako i za ovaj organ, te istu nije potrebno objašnjavati“.

Uzevši u obzir sve prednje navedene činjenice i okolnosti, te polazeći od toga da je nesporno da žalitelj nije ponudio prihvatljivu ponudu, (a što je utvrđeno i Rješenjem broj: JN-2-01-07-1-3793-7/23, od 15.02.2024. godine) te se ne može ocijeniti da je ispunio preduvjete za pokretanje postupka pravne zaštite u predmetnom smislu, kako to eksplicite propisuje odredba člana 97. ZJN-a.

Stoga, imajući u vidu iznesenu pravno relevantnu činjenicu, da žalitelj nije podnio prihvatljivu ponudu, a imajući u vidu suštinski i formalni smisao odredbi iz člana 97. ZJN-a, te uobičajenu doktrinu nastupanja i nadmetanja u postupku javne nabavke, na bazi svih prednje iznesenih činjenica, uzevši svaki dokaz posebno i sve zajedno, zaključuje se da žalitelj nije učinio vjerovatnim da mu je bila ili da mu je u konkretnom slučaju predmetnog postupka javne nabavke mogla biti prouzrokovana šteta zbog postupanja ugovornog organa.

Uzimajući u obzir presude Suda Bosne i Hercegovine broj: S 1 3 U 033957 19 U od 06.04.2021. godine i broj: S 1 3 U 041210 21 U od 19.04.2023. godine, kao i Zaključke URŽ-a broj: JN2-03-07-1-1254-9/23, od 09.06.2023. godine i broj: JN2-03-07-1-1223-9/23, od 02.06.2023. godine, te Rješenja URŽ-a broj: JN2-01-07-1-3204-6/23, od 14.12.2023. godine i broj: JN2-01-07-1-948-10/22, od 21.04.2022. godine, a prema članu 97. ZJN („Službeni glasnik BiH“, br. 39/14 i 52/22), te odredbama člana 111.stav (1), tačka b), odbacuje se navedena žalba zbog toga što je izjavljena od lica koje nema aktivnu legitimaciju.

Pouka o pravnom lijeku:

Protiv ovog zaključka, a u skladu sa članom 100. stav (2) ZJN, dozvoljena je žalba Uredu za razmatranje žalbi u roku od pet (5) dana od dana prijema Zaključka.



Dostaviti:

1. Advokatska kancelarija Milošević, ulica Čelopek b.b. Zvornik
2. Komisiji za javnu nabavku
3. Kabinet ministra, stručnom savjetniku za odnose s javnošću i
4. A/a.

